





itaque si potest, eadem illa nocte, qua Balthasar occisus est; Medos ac Perfas, Darium Medum cum Cyro Babylonem occupasse. Hoc quamdiu non facit, frustra nos oppugnat. Ad extremum de Darii Medo genere quaestionem definire aggreditur; quem nos Astyagis fuisse filium cum Herodoto, Ctesia, Diodoro, Justinone, ac veris omnibus Historicis negavimus. In quo magnopere ponderandum illud esse diximus, quod cum in aliis plerisque Ctesias ab Herodoto dissideat, eumque mendacii conetur arguere: hac tamen in re cum illo consentiat ut Astyagem ultimum Mediae regem absque filio successore decessisse confirmet. Contra firmissimam illam Historicorum concordiam, Noster solas conjecturas attulit, easdemque perleves. Videtur ex Herodoto dicit Astyagem virili prole non caruisse: alioquin nihil causae fuisse, cur a nepote suo, hoc est filii prole tantopere sibi formidaret. Nam cui potius alteri mandaret imperium, quam nepoti, si quidem filio careret? Verum illud iure metuebat, & cavebat Astyages, ne regno ipse privaretur, quod a filii stirpe imminere illi Magi praedixerant. Quantum autem in rege metus ille ac retinendi imperii cupiditas valeat, quove transversum ac precipitem ejus animum rapiat, gentium omnium, ac populorum annales nobis tacentibus loquuntur.

Verum esto, Astyagis filius Darius ille non fuerit; ac Medorum rex idem profecto fuit; eique tamquam amico ac fideli viro Cyrus regnum illud permisit. An illud dixisse satis est, aut in historia quicquid probabiliter aritari ac divinare poteris, id statim amplecteris? Hoc si de Astyagis filio Cyaxare mittis, jam ab auctoribus tuis discedis, neque ex hac fabula quicquam, praeter conjecturam tuam, & ut verisimile demus, certe ex ingenio confictam agnoscas, reliqui tibi facis. Nos expressis ac disertis vetustissimorum Historicorum testimoniis innititur, & quod caput est, eorum ipsorum, quos illi tui non modo certissimos ac verissimos indicant, sed quos etiam se duces adhibuisse testantur. Quare aut Josephi, atque Hieronymi fidem & auctoritatem ejurare debes, aut quos ipsi probaverint, & secutos se esse, adeoque sequendos posteris ostendunt, sua, non aliena voce loquentes audire. Verum de Dario Medo, deque Nabuchodonosori posteris & successoribus nimis jam multa. Sed videlicet amici nostri humanissimi & eruditissimi viri studio reponendum aliquid fuit, ne in schedis nostris excutiendis operae pretium ullum a se factum crederet. Nos illud ex hac responsione fecimus, magis ut quam antea nobis prior illa sententia placeret. Nam cum ab homine diligentissimo, & historiae peritissimo peculiari Dissertatione, Operis in fronte praefixa acriter oppugnata sit, planum est nihil esse quod ad eam labefactandam valere possit argumentorum relictum. Cum igitur haec ipsa, quae illic protulit, tam contra nos imbecilla sint, tam a nobis facile dissoluta, magna, neque, uti spero, vana fiducia est, meliora, quam quae proposuit, reperiri nulla potuisse.

DE INITIO CYRI.

CAPUT XIII.

Scaligeri varia super eo, assidensque sententia discussa.

In lib. v. hujus operis, pag. 378. Cyri primordium I confert in annum Periodi Julianae 4154. idque consensu auctorum omnium adstruit, qui Cyrum inisse volunt anno primo Olympiadis IV. Est autem hic annus, inquit, 4154. post obitum Nabuchodonosori.

In Notis ad fragmenta Beroffi & aliorum, quae in calce hujus Operis coniecta sunt, pag. xv. docet Nabonidi ultimi Chaldaeorum regis decimum septimum, & ultimum fuisse Nabonassari cxxv. Cyri decimum nonum, undecimum ante solutam captivitatem, quae quidem relaxata est anno illo Nabonassari cxxvii. qui erat septuagesimus a capto Jechonia, & ab Hieremia praedictus, cap. xxxix. 10. Hinc primum annum Babylonicum

imperii Cyrus iniiit. Quippe victo Nabonido non statim Babylone potitus est Cyrus, sed post multum tempus, postquam Nabonidum intra Borsippi munimenta se continentem in deditionem accepit, ac reliqua deinde Babyloniae subjugavit. Annus Nabonassari cxxv. est Julianae Periodi 4172. Cyri xxx. annus vero Nabonassari cxxvii. est Julianae Periodi 4183. Cyri xxx. in quem lxx. anni ab Hieremia praedicti desierunt; quando & nova aera a Chaldaeis Cyro condita est, & triumphata jam Asia usurpare istud potuit: Deus caeli dedit mihi omnia regna terrae. Proinde Nabonidus undecim annis ante solutam captivitatem regnare desuit, cum interim Cyrus Lydiam, Asiamque, & Assyriam, reliquosque tractus Orientis victoribus peragraret.

In Animadversionibus ad Eusebium, ad annum mcdxvi. tria Cyri distinguit initia. Primum Persici regni anno I. Olymp. IV. Secundum Chaldaici imperii anno xxxi. Persici regni, quem expugnato Nabonido Medo Chaldaeorum regnum adeptus est, novem annis ante mortem ejus. Tertium initium a subjugatis Baetrianis, cum toto Asiae imperio a finibus Indiae ad Cycladas insulas potitus est. Hoc initio Danielem & Eldram uti censet, qui annum primum Cyri vocant eum, qui confurgit ex anno xxxix. Persici regni.

Denique lib. III. Isag. Can. pag. 291. annum septuagesimum captivitatis definire dicit in annum Periodi Julianae 4183. Cyri xxxix. ad finem decurrende: qui solidos annos explevit xxx. & xxxi. inchoavit. Tria haec initia in Animadvers. ad annum mcdxxxix. in Diagrammate describit, ac primum annum Cyri in Perside assignat anno Nabon. cxxxviii. primum vero Babylonicum regni, post arcem Borsippam expugnata, anno cxxvii. Nabonassari quo etiam laxata dicitur Judaeorum captivitas. Denique tertium initium anno Nabon. cxxvii. quo tota Asia regnavit. Est autem annus Julianae Periodi 4183. ita ut mortuus sit anno Nabon. cxxix.

In his omnibus Scaligerianis decretis haud exigua conflictio est & inconstans varietas. In fragmentis duo tantum initia Cyri consunt: alterum quo regnare in Perside coepit anno I. Olympiadis IV. Per Julianae 4154. alterum, quo expugnato Nabonido, & in potestatem redacto Babylonicum imperium auspiciatus est, anno Nabonassari cxxvii. Periodi Julianae 4183. qui & tricesimus annus Cyri, atque ultimus fuit. At in Eusebianis Animadversionibus tria facit initia; & secundum, quod est imperii Babylonicum, anno Nabonassari tribuit cxxvii. Periodi Julianae 4174. tertium vero Nabonassari anno cxxvii. quem vice simum nonum dumtaxat esse dicit Persici regni. Atqui in Perside regnare coepit anno Nabonassari cxxxviii. ut in Diagrammate legitur: qui incurrit in annum Periodi Julianae 4154. annus porro Nabonassari cxxvii. est ab illo tricesimus, non vice simus nonus. Ad haec si mortuus est Cyrus anno Nabonassari cxxix. hoc est Periodi Julianae 4185. obiit anno ineunte regni Persici xxxi. non xxx. absolute. Item Nabonidum a Cyro anno undecimo post captam Babylonem in potestatem habitum scribit in fragmentis; hoc est anno Persici regni xxxix. in Animadversionibus autem, anno Nabonassari cxxvii. quo Persici regni vice simus primus iniiit. Praeterea si Cyrus anno ineunte Persici regni xxxi. decessit, obiit anno Nabonassari cxxvii. Periodi Julianae 4184. non 4185. atque adeo per totam Asiam uno dumtaxat anno regnavit, aut ad summum alterum inchoavit. Falso itaque tertium inchoasse in Diagrammate docuit Scaliger. Nam si annus primus Cyri, quo Persidem occupavit, est Periodi Julianae 4154. quod ubique constanter asserat; anno utique 4183. desuit xxxix. Persici regni, & xxx. iniiit; xxxi. cepit anno 4184. Quare hunc ipsum haud excessit, nisi xxxi. annos absolutos eidem imputes. Ad haec manifesta est absurditas. Nam Cambysen lib. II. Isag. Canon. pag. 133. cepisse dicit anno Periodi Julianae 4184. Cyrum vero in Animadversionibus decessisse anno Nabonassari cxxix. Periodi Julianae 4185. Itaque anno ante mortem Cyri Cambyses imperare coepit; quod est absurdum. Sed multiplicem illam Scaligeri pugnam sub unum Lectoris aspectum Tabella sequens objicit.

DIAGRAMMA

DIAGRAMMA SCALIGERIANAE DISCORDIAE super epocha Cyri.

Table with columns: Duplex, Triplex, In Fragmentorum Notis, In Isag. Canon., In Animadversionibus. Rows include: Initium Cyri, Nabonidus a Cyro victus & captus est, Moritur Cyrus, and Lib. v. de Emendat.

Ad extremum duo ab Scaligero ponuntur, quae videntur ut obtinere possit: quorum alterum est, Cyrum xxxi. annum attigisse; imo vero, ut ex Animadversionibus Eusebianis colligitur, xxxii. Nam Herodotus non plures, quam xxxix. assignat, Ctesias xxx. de quo paullo post agetur. Alterum, Nabonidi annum decimum septimum, & ultimum tantum ante captam Babylonem, & Babylonicum imperii sumptum ad Cyro primordium desuisse. Quippe statim post annum xvii. Nabonidi ultimi Chaldaeorum regis, anni novem Cyri Persarum regis in Mathematico Canone subjiciuntur, quem nos libro superiore cap. xvii. reddidimus. Atqui si inter postremum annum Nabonidi & initium Cyri decem anni intercederent; (quod in Notis ad Fragmenta pag. xv. docet Scaliger. Ait enim decimum septimum annum Nabonidi esse xix. Cyri, & Nabonassari cxxvii. primum vero Babylonicum regni Cyro contigisse anno Nabonassari cxxvii.) falso Canon ille Mathematicus in serie Babylonicorum regum annos Cyro tribueret novem, cum unus dumtaxat assignandus fuerit, cum interregno x. annorum, vel ix. ab ultimo Nabonidi ad Cyri primum, & unicum Babylonicum regni: atque ita numerus annorum, qui a Nabonassari ad Alexandrum, & in Canone illo, & a Ptolemaeo, ceterisque Mathematicis vulgo concipiuntur, annorum ccccxxiv. tribus circiter annis augendus esset. Idem etiam accidit, si posteriore Scaligeri sententiam amplectimur, quae in Animadversionibus exponitur. Ibi enim in Diagrammate pag. 84. proposito, primus annus Nabonidi imputatur anno Nabonassari cxc. vel cxcii. ultimus Cyri anno cxxix. Ab anno cxc. ad cxxix. intervallum est annorum xxxix. At vero Nabonidi xvii. anni cum ix. Cyri annos dumtaxat xxvi. efficiunt. Proinde duo, tresve anni ad summum accedunt, quod Mathematicis omnibus est inauditum. Hi enim ab initio Nabonassari ad ultimum Alexandri annos praecise putant ccccxxiv. Quod autem in Fragmentis, & Appen-

dice ad libros de Emendat. Temporum addita, Herodotum asserere putat, post victum Nabonidum, qui extra Babylonem in arce Borsippa deditionem fecit, Babylonicos multis annis obsidionem tolerasse: vel hoc Herodotus non dicit, ut postea demonstrabimus: vel ut dicere velimus, non ideo consequens est, id ipsum finitis annis Nabonidi xvii. accidisse, adeo ut tot annorum interregnum ab ejus ultimo ad Cyri Babylonicum initium interceptum sit; quod incauto, & valde imprudenti Scaligero excidit. Quare quantumlibet annorum inter deditionem Nabonidi, & Babylonicum Cyri primordium excurrere putemus, totum id summa illa xvii. Nabonidi annorum exhaurire debet, quo certissimum a Nabonassari ad Alexandrum M. intervallum immotum permaneat.

CAPUT XIV.

Returum a Cyro gestarum historia ex Herodoto, Ctesia, & Beroffo perstringitur.

CHRONOLOGIAE, uti saepe dictum est, totius cardinem ac fundamentum Cyri primordia continent, a quibus & antecedentium ferè temporum, & posteriorum ratio, & omnis ferè sacrae historiae cum profana concordia dependet. Quamobrem omni ope ac diligentia perquirendum initium est Cyri, Persicorum regni. Hujus autem, ut & doctrinae totius temporum, praesidia sunt duo; historia, & character temporum: quae ambo mutua ope nixa ad veritatis investigationem tutissimo compendio perducunt. Historica narratio instar est aedis, ac materiae; character, aedificatio atque forma. Itaque prior illa est ordine naturae: ista cognitionis posterior, quae ad alteram dirigendam castigandamque pertinet. Ut igitur Cyri Persicorum regni epocham adstruamus, visum est ex Herodoto, N 2 atque





